

國民

續遵義府志
(二)

民國·周恭壽 修 趙愷 楊恩元 纂

民國二十五年刻本 三十五卷

官績一功勳

舊志紀官績開荒闢昧搜羅缺遺頗費苦心今則六十年來事跡未遠宜乎紀錄增多矣然而仕路至末流貪酷者便其侵漁趨承者流為巧滑欲求循分盡職不為民害之人已難覯矣况功業有所表見而令人津津不去口者可多得哉舊志官績分為二卷凡著績郡地有可稱述為一卷職司守土責有專轄為一卷今仍依其例以清眉目其道光二十年以前為舊志所搜採未及者則注明補錄其道光二十年以

後至宣統則依時代臚列焉噫文字之關係古人謂為不朽盛事茫茫宇宙已過者散如雲煙惟賴此志乘流傳以資則效後視今猶今視昔凡負未來之責者可不勉歟

張存意 字覺自湖南華容人萬曆壬申進士官山

西僉事會播亂廷議推存意監軍身親行陣左臂中

流矢五月底定口不言功恩賞亦弗及貴州建忠勳

祠祀之湖南志補前志

陳績顯 字無績河南孟津人順治初官川南道時

版圖初定招來勸墾修城建學除荒糧免水手四十

餘州縣皆勒石志感續河南志補前志

伊里布 滿洲鑲黃旗人嘉慶六年進士授國子監

學正道光十八年任雲貴總督十月四川恭江縣穆

繼賢與貴州仁懷縣武生趙應彩涉訟繼賢買仇殺

應彩糾奸民謝法真等乘勢滋搶沿途裹脅屯踞方

家溝貴州提督余步雲布政使慶祿貴西道周廷綬

先後帶兵會勦十二月伊里布率兵抵方家溝偕四

川總兵張作功等合圍慶之斬偽元帥趙應松進逼

賊巢賊由水溝潛遁官兵分頭追捕擒賊目穆繼賢

謝法真等毀其巢穴餘匪殄滅國史傳

張作功 甘肅皋蘭人生有材勇與兄作友入伍同

隸陝甘督標嘉慶初川教匪作亂從征力戰有功累

官重慶鎮總兵道光十八年貴州仁懷縣妖人謝法

真假托降神捏造天書聚眾滋事雲貴總督伊里布

率作功等勦之謝逆恃險負隅其黨穆繼賢袁明倫

等在地道中放鎗砲屢傷官兵作功偕提督余步雲

總兵阿精阿等囊土負柴挾火攻器具四面協攻竭

一晝夜之力殺賊二百餘人焚其巢斃逆黨無數搜

捕殺獲千名首逆謝法真就擒伏誅敘功賞花翎後

五年卒官甘肅通志

羅繞典 字蘇溪湖南安化人生而有文在手曰典因以命名少讀書嶽麓書院凡十二年歲再歸省必徒行曰吾借以習勞也其志趣可想道光己丑成進士入翰林致力經世之學成皇帝時湖南騷變上詢軍事繞典進形勢扼要塞之圖曹振庸亦上言曰有用才也旋上書房員缺潘文恭舉繞典與杜受田上復詢王文恪對曰羅繞典良吏材也遂召對垂詢良久諭近臣曰此人精神滿腹可外任出守山西平陽府歷官秦晉楚黔當髮匪之亂守制在家奉命聯圍防守力解長沙圍後擢至雲貴總督咸豐四年遵邑

續遵義府志

卷十八

官績一功勳

三

遭楊鳳亂圍城告急繞典奏請率兵親臨覆旨阻止略謂黔有撫提諸眾臣遵義區區土寇何勞該督遠行等諭不聽帥道員承齡知府佛爾國春知州徐河清通判韓超參將蔣玉龍何越保等進兵遵義賊營雷臺山時以鉅砲轟城屢戰不利慮城不保復恐黔撫上聞日夜憂勞構疾迨川軍克桐梓繞典即於是時卒於遵義考棚賜諡文僖遵義縣冊報韓超 字南溪直隸昌黎人道光十四年副貢生以州判揀發貴州歷署三角壘州同獨山州知州清江通判咸豐元年粵寇煽亂黔省籌邊防黎平知府胡

林翼言之布政使蔣霽遠略云韓超腹有十萬甲兵胸羅二十一史沉勇慷慨雄心遠略可為名將可為循吏超由是知名先後隨林翼在下游屢立戰功以知縣用賞戴花翎咸豐四年桐梓賊楊鳳圍遵義府城時提督趙萬春等戰失利超馳至冒雨急戰敗賊於南門關等處立解城圍擢同知直隸州楊鳳敗竄超進勦追至石阡府屬葛彰司河擒斬之餘匪悉殄補石阡知府晉糧儲道胡林翼巡撫湖北疏言超深明兵畧剛正不撓可為國家兵事得力之員兵部侍郎王茂蔭亦薦之升按察使田興恕入黔以超先後

續遵義府志

卷十八

官績一功勳

四

戰功入奏十一年賞二品頂戴署貴州巡撫同治元年粵匪由川竄至正安廟堂並桐梓松坎等處超飭總兵吳安康進勦賊目王考為內應招我軍攻入破賊巢擒逆首偽元帥倪老帽斬之出被脅難民二千餘人黃白號匪竄入遵義東南兩鄉超檄知府李德我等敗之三台山奪五里坎諸隘口遵義附近之張王壩後壩等處各賊營一律蕩平同治二年因病開缺回籍光緒四年卒賜卹如例諡靖果准於貴州省城建立專祠國史傳王成璐 字廉普湖北江夏人道光癸未進士為銅

仁知府調補貴陽擢雲南鹽法道會貴州賊楊鳳等作亂陷仁懷桐梓據其城成璐以漢師隨總督羅繞典至破走之戮其渠魁遂駐遵義留辦軍務擢貴州布政使卒於黔湖北志

承齡 伊胡魯氏滿洲鑲黃旗人道光十六年進士咸豐元年授貴州安順府知府調貴陽府四年補貴東道十一月會同雲南鹽法道王成璐督兵進攻雷台山路匪乘賊不備縱火焚其巢官兵四路兜勦殺斃無算生擒賊首陳良模等承齡又率同遵義仁懷兩縣鄉團收復仁懷縣城奏入賞按察使銜後仕至

續遵義府志 卷十八 宣績一功勳 五

貴州布政使照軍營積勞身故例議卹承齡學問淵博著有詩詞等集國史傳

陶履誠 字實卿江蘇人先宰開泰縣被議降級縣丞楊鳳之亂率兵援遵其時賊營未定先襲大營堡議定凌晨各以三百人蒙霧出履誠趨高橋扼賊於右保山渡洗馬灘截賊於左先以火器燒賊營由煤村溝下保山欲乘勝渡河攻雷台紳團力阻不果履誠聞勝渡洗馬灘與賊遇於乾田壩戰不利退至鴨子墳下石雞窩端坐石上死難賜卹如例遵義縣冊報

保山 博爾濟吉特氏蒙古正白旗人咸豐二年由

佐領棟發貴州以游擊用四年正月補鎮遠鎮標中營游擊時貴州苗教各匪蠢起所在攻城戕官警報迭至遵義一帶賊勢尤熾其交界之烏江口上達省城最為扼要之區又與湄潭甯安黔西等處犬牙相錯賊由桐梓分股竄擾保山隨總兵色克精阿兼程馳赴烏江口駐守為遵義後路應援復帶兵由湄潭甯安堵其東路尋以省城戒嚴巡撫蔣蔚遠檄保山擊勦桐梓等處以分賊勢時桐梓賊首楊鳳糾眾入城焚燬衙署監獄直犯遵義府九月保山偕縣丞陶履誠從右均敗之斬首甚眾獲其砲械火藥多件賊

續遵義府志 卷十八 宣績一功勳 六

潛走保山乘力追漸入山谷與陶履誠折騎躡賊後乘馬當先沿途搜勦山路盤屈忽遇伏賊四起來寡不敵與履誠同歿於陣得旨交部議卹並准建立專祠國史列傳

祥福 直隸通州人道光朝武進士由頭等侍衛授貴州下江游擊咸豐五年護理遵義協副將時閩郡常有賊出沒福內得兵心外捍閭閻不避艱險是年十月會郡守楊書魁仁懷令江炳琳擊破曾公四等紅巖賊巢六年九月鄒神保等踞綏陽趙三甲亂十月會江炳琳攻平頂山賊敗走十一月會綏陽軍攻

杉木菁後台賊巢八年二月初二日會江炳琳勦賊
旺草炮斃白小滿初三日趙帽頂等由毛坳渡頭河
小壩橫據上流蟻聚圍攻福奮戰身帶重傷隨被執
賊叱之跪福曰吾膝只能跪天子安能跪反賊罵不
絕口賊怒炙鐵器烙之體無完膚逾時福北面再拜
詈亦甚縛柱上聚薪火焚之而死大吏上聞議卹各
如例准於死事地方建祠今綏人合祀五公祠內有
司春秋致祭同時馬兵周三鳳亦奮不顧身殺賊數
人而死又有庠生祝麟祥見福受賊慘毒亦罵賊死
三鳳遵邑西門人麟祥綏陽人 採訪冊

續遵義府志

卷十八

官績一功勳

七

王國珍 字春波銅仁人同治元年由銅仁協帶兵
充沈宏富營務處赴援來遵遂署副將五月帥所部
禦賊尚稽場敗其先鋒於冷水坪連踏賊營十餘處
遂遁去秋獲盡登民大蘇困二年正月馳援廬江水
屯雷水堰報國寺賊禦國珍甚以數萬人包圍之十
六日貓山寨失陷勢益蹙手書至郡乞援當事以鄒
開貴帥兵往賊探悉假開貴旂幟飄盪數里外若將
至焉而陰與國珍所部哨弁吳某約德國珍潰圍赴
援軍國珍甫出營見四面皆賊知為所紿拔佩刀手
刃三十餘人力竭死焉銅仁原從兵士千餘人悉戰

歿逃者僅十三人而鄉團及難民死者亦衆蓋自國
珍歿賊勢益猖獗導亂迺友矣國珍死亂軍中屍
多不可辨識其妾流涕曰脚根及耳後有紅痣者是
也如其言果得之其妻至省控開貴救援不力巡撫
張亮基頗惜國珍才欲置開貴於法以其前有戰功
責令肅清中路自贖乃已蓋貓山寨之陷在十六日
而國珍潰圍死實二十七日開貴距營數十里奉檄
行八日未至鄉人亦短之

續遵義府志

卷十八

官績一功勳

八

向宗漢 字虎臣湖南鳳凰廳人咸豐五年充勇丁
勦賊柳桂七年征江西擢都司移師貴州攻復黎平
古州諸城九年勦思南石阡疏通省道以副將留黔
同治元年署遵義協副將督勦會匪率師攻尚稽場
團溪水為流彈所中而死年三十五 湖南通志
秦安慶 字梓園浙江紹興庠生精申韓術咸豐七
年就遵義縣江炳琳幕帶勇隨同江炳琳擊賊八年
六月隨攻螺螄石筍等處賊巢及麻王穿煮等洞以
功薦擢訓導九年炳琳陣亡復隨正安州于鍾岳擊
賊有功擢縣丞十年赴援涪潭縣城復檄署縣事涪
潭城垣本土築烟戶亦稀防禦萬難以團練四千營
水涯子賊攻破之乃移駐火樹營旋因蔣玉龍兵潰

城復陷退駐火樹均相持日久復退李村賊勢日熾
七月會綏陽令朱文香遵義令鄧爾其攻綏陽賊賊
潰走馬頭山八月援鄧爾其於龍水坪自是往來正
綏兩邑之間擊賊遵守竇奉家以為能檄遵綏正三
屬為分籌勇餉使之平賊同治二年二月號匪攻尚
稽場雷水堰等處沈宏富營南白錦即懶板機于鍾岳令
安慶率勇同往禦張五等賊初二日黎明賊廣至猝
不及防遂死於難採訪冊

李榮 興義人由行伍任興義協副將咸豐九年十
二月調署遵義協副將甫到任時賊初入縣境嘯聚

續遵義府志 卷十八 官績一 功勳 九

南鄉團溪戍知縣江炳琳於兩路口勢張甚城中惶
懼榮率所部出屯深溪水賊自來攻皆負去因約戰
期至日賊擁衆至榮部分鄉團顏佐才鄔德全兩營
左右伏遣別隊於下流堵濫泥河水獨留橋路而自
居營中偃旗鼓以待賊賊初不知為計也至河岸望
我軍而呼寂然以為官軍遁去持矛戟者踵接渡橋
將及營忽營中鼓噪呼殺賊賊出不意遂大亂倉皇
奔走爭渡不得自相蹂躪及淹斃者二千餘人左右
伏抄至掩殺亦數百人逃者烏飛鵲噪皆以為追兵
也初賊至境但以羊酒投和即不相害惟索取銀鹽

及此役大創始虐視人民鄉紳趙廷瑗甘必大等乃
潛謀結團乘賊懈備遣人迎榮前進是夜賊在團溪
風雪嚴寒植矛檐際風緊仆矛輒相偃擊賊驚疑官
軍之至即火場舍退去張王壩團兵突起感之賊不
敢關乃渡河依羊巖關以自固榮至團溪遂病廷瑗
率團兵拒賊老鴉關除夕廷瑗募死士由上流渡河
襲關賊大潰走由是南鄉兩年無匪患榮益倚廷瑗
驅賊前進至濫泥壩豬場六月攻賊首王廷英於河
坪大敗之殲賊數千人廷英退至玉華山榮至豬場
病劇昇轉哨探壩沒於朱姓逆旅叢莽屋後園內採訪冊

續遵義府志 卷十八 官績一 功勳 十

張萬書 字寶堂湖南人壬戌署遵義協副將甲子
二月號賊殺至南門關窺郡城萬書率兵戰於豐樂
橋賊遂敗走乃移師出中路十月吳元彪破鄭場屠
大保諸寨進窺綏陽知縣邵維新飛書求援萬書率
兵救之營於獅子口分千總徐鼎勳營漢水壩外委
田立勳營李堡屯以為犄角與賊大小數十戰均不
利而綏城糧米又悉儲於營內久欲襲取之而未得
其隙乙丑正月吳元彪揚言開往大小西關劫糧萬
書以為真派陳治安往護元彪乘虛襲破分紮漢水

壩李堡屯兩營鼎勳立勳均戰歿獅子口大營遂成
孤立元彪圍之斷其汲道至二月二十二日營潰萬
書揮戈禦敵及賊十餘力竭陣亡千總夏國華候補
千總楊國華及徐德亨饒子開等均同時戰歿邑人
今猶祠祀焉 遵義冊報

劉嶽昭 字觀臣湖南湘鄉人由俊秀從軍負膽畧
多戰功經胡林翼駱秉章累薦擢至布政使總統湘
果後營駐軍綦江防川邊同治乙丑夏遵邑四鄉皆
賊守一孤城綏陽先為吳元彪踞各寨堡又或破或
降存者寥寥惟時禹門一寨獨立抗賊危如累卵黎

續遵義府志

卷十八 官績一 功勳 十一

兆祺等上書駱秉章請救使者楊小卿中途遇賊死
復遣人藏書竹節中偽為丐乃至成都秉章得書弗
決遵人在川者絡繹乞進兵於是秉章檄嶽昭進兵
援黔秋九月湘軍二十營直搗綏陽城堅賊悍攻不
遽下因度地千工堰築壩壅水灌之賊酋宋玉山等
集大股二萬人往援嶽昭偵知以勁旅伏伺賊齎至
四面山斷其歸路夾擊殲幾盡此第一大創也七星
坡諸賊常從鄭場來援亦為禹門所阻水將入雉元
彪力窮思降嶽昭愛其才不欲誅之丙寅春二月檄
攝遵義守張日崙持諭入城招降三反而後受降焉

初遵郡失守北城守備蔣洪順等立復嶽昭令忠宇
二營何行保馳救綏陽既克嶽昭授雲南巡撫援黔
以唐炯蹇閣代之嶽昭所統湘軍全師發黔西赴滇
獨留何行保守遵遂肅清畢節威寧等處由連東入
滇駐軍曲靖府悍回馬廣照尋向州攻不利檄提督
賀集四營於免耳河下流築堤堵水堤將成水沒城
之半夜深風雨驟至堤盡潰賊蜂擁出勢莫當湘軍
死亡枕藉全軍潰散惟吳元彪劉名貴二營獨完嶽
昭重用吳劉以圖尋向馬廣迎降迤東肅清授雲南
總督時黔之興義府尚為逆回盤踞同治九年春命

續遵義府志

卷十八 官績一 功勳 十二

吳元彪劉名貴各率黔勇勦興義回既降欲叛乃盡
坑之計數萬人迤西次第克復杜文秀就戮全滇肅
清入覲諭令回任行至鎮遠疾作請假留鎮調治久
不愈以逗留得罪革職回籍 採訪冊

林肇元 字貞伯廣西賀縣人咸豐十一年以廩生
從軍湖北隨道員劉嶽昭攻勦有功以州判選用同
治初歷戰陝西湖北四川等省由知縣保升知府四
年由川入遵境截勦髮逆並擊滇黔邊匪迭次獲勝
克仁懷縣城以道員用復偕援黔官軍攻克綏陽天
台山賊巢進窺綏陽城克之成都將軍崇實總督駱

秉章疏稱肇元隨軍轉戰勞績最著前次攻克綏陽親冒矢石督陣衝鋒尤為異常出力賞加按察使銜歷升貴州巡撫因案革職光緒十二年卒貴州紳民以肇元克復多城肅清全省追念功德呈請開復岑毓英據以入告允之國史傳

成茂清 湖南湘鄉人入果後營隨劉嶽昭籌防蜀黔邊境屢保至都司偽五王朱逆竄據正安州同治四年四月二十一日總兵李家福副將胡志祺敗賊州城外賊突出茂清與守備黎光甫千總陳復盛把總鄧華書均力戰死湖南志

續遵義府志

卷十八 官績一功勳 十三

屈洪泰 湖南長沙人狀貌雄偉膂力過人咸豐六年以武童投效果後營同治元年赴援四川三年四川餘匪復竄擾貴州仁懷等處賊黨合股氣燄甚張洪泰赴境追勦斬獲不可勝紀仁懷遂復嗣後賊復擾正安一帶洪泰轉戰而前賊且戰且走我軍大起猛攻殄虜無算正安綏陽遵義等處一律克復後帶隊入滇官至雲南普洱總兵國史傳

全祖凱 字翔臣湖南清泉人隨田興恕積功至總兵沈宏富奏辦貴州東北兩路賊匪祖凱專任營務處鼎山久不下令祖凱統數營由石炭關毛壩進扎

小麓斷賊餉道時賊老巢在涇潭派兵繞道來援會營官劉名貴周學桂等四營投賊合攻中營祖凱大敗妻小皆失憤極再率數營進適沈宏富奉旨嚴責自行督勦復結降卒為內應賊憚之六月十五日賊棄鼎山去城圍始解祖凱後補昭通鎮總兵國史傳

姚華勝 字華亭湖南人留黔副將白號張保山據鼎山城逼攻縣城華勝帶兵往援癸亥正月十二夜賊梯城入焚守棚華勝與民周二併力奮擊乃退苦守八月常以心腹偽降賊以故賊每襲城必預知及沈宏富兵至賊乃他竄是役也無華勝城弗保矣採

續遵義府志

卷十八 官績一功勳 十四

龍統靈 字雲生以都司隨姚華勝援桐擊殺攻城股賊甚眾繼駐紅花園附近居民得所倚庇同治二年五月十八日涇賊集大股突至圍攻營覆兵民死四百餘人統靈被賊縛去罵賊磔死採訪冊

劉鶴齡 字松生湖南澁浦人於同治乙丑以副將奉川督令追捕寇邊賊李丙南兼圍攻綏陽之果後營劉嶽昭後勁至桐力攻王正伸於鐮尖山此山峻險軍火亦足初攻陣亡將官十餘人傷兵以千計乃掘地道以地雷轟之壘破生擒正伸等所有附從各

寨盡剷除之桐梓及川邊人民乃漸得安七年收復
甕安擒劉義順以提督記名賞黃馬褂戰功最多

採訪冊

劉洛望 字鏡臣湖南澧浦人從征兩粵兩湖江西

江蘇階州等處累擢至參將為果毅中營營官攻鐮

尖山樹梯猛撲賊彈石如雨當即陣亡邑人為之建

祠於松坎馬鞍山

採訪冊

謀見壽 字南垣湖南人以游擊隨劉鶴齡充左營

營官攻鐮尖山地雷發時鼓勇先登礮石如雨與守

備皮明玉把總鄧開學鄧成道王有德李洪順等二

續遵義府志

卷十八

宜績一功勳

十五

十五名陣亡

採訪冊

成耀星 潘長青 皆湖南人耀星帶耀字營長青

帶安字營均以勞績保至總兵鐮尖山平後何元易

方官保等尚踞油羅口其地界綏陽桐梓間巉巖削

壁怪石嵯峨中澗口斂有似油羅故名元易等本楊

鳳餘黨盤據此洞時出劫殺耀星長青等隨劉嶽昭

入黔合軍進勦近城各圍助之仰視懸崖無下手處

乃逐日運負柴草擬用火攻忽賊中誤然火藥燒死

首從多人而柴草亦同時燒起乘勢進擊遂平之

採訪冊

鄧錡 字伯平湖南澧浦人隨駱秉章援蜀督辦劉

鶴齡果毅軍保升知縣同治四年勦桐梓尖鐮山有

張春圃者叛團王正伸總管潛出川邀集匪黨錡在

趕水獲之當即密陳而果後軍代為辯釋川督不能

無疑蹇閻周達武先後廉察正伸適使劫殺松坎釐

金局員又賂安字號擾邊且自出衝擊官軍頻見傷

亡乃知錡執春圃有先見之明錡攻鐮尖嘗親身赴

敵故勇敢之名冠於他軍明年二月歲事升同知直

隸州七年大舉援黔錡以偏師分勦廟壩老巢正安

婺川等處一律肅清歷升道員加布政使銜積勞卒

續遵義府志

卷十八

宜績一功勳

十六

於軍

採訪冊

吳文海 鎮遠清江人咸豐四年以丹江營外委隨

同台拱富邵二參將來綏是時楊龍喜聚眾竄入邑

境文海帶練防堵遇緊身先士卒後賊首何元易趙

帽頂等於邑之馬腹坪川王嗣等處裏賊擾害文海

督兵與賊數戰雖身帶重傷不敢告勞至同治初年

號匪寇綏文海與邑令謀商置鹿角柵以為守城之

計六年隨同邑令攻擊蠻王嗣文海亦與有力後官

保守備加都司銜年老辭官世居邑之達摩溪

綏陽志

鍾昌林 字錦城湖南人以參將為沈宏富營官

戊冬號匪攻桐梓隨姚華勝自郡來援獨營官渡河賊擾魚溪平山等處為昌林擊退其弟及練目黃滿團丁陳冬二等驍勇素著均力戰陣亡時圍困既久城局供糧不繼就近圍首馬成德傅昌明等竭力籌辦始勉支持先是局紳趙貽遠挾委員苛派激變致土匪引賊奪寨攻城遠適糜爛羣情奮怒昌明以姚華勝私庇貽遠秘白沈宏富誘而誅之未幾宏富率昌林等進勦賊乃遁去昌林旋補大定協副將國史傳張兆蘭字仲香貴州鎮遠人襄辦劉鶴齡果毅軍克復開州保升知府賊迎李炳南燒劫川邊川督檄

續遵義府志 卷十八 官績一 功勳 十七

安耀兩營擒捕不獲又檄果毅軍前進兆蘭回鄧錡率師至松坎眾過其難具呈川督允為申奏旋進攻鐸尖山王正伸恃險力抗兩次掘牆雖裂猶復死守乃築長圍阻其進出復探悉趙正光劫殺松釐委員其弟正攀現在賊巢兆蘭與同僚設計誘其降乘勢襲入首從皆擒事平兆蘭加運使銜林訪冊湖濟鐸 湖南保靖人諸生成豐二年援例為知縣發貴州同治初提督田興恕率師勦賊至貴州檄濟鐸至軍効力敘勞升同知直隸州知施秉縣事四年十月奉檄至遵義府搜緝土寇十二月九日至府屬

松坎突與賊遇賊眾數千濟鐸率所部逆擊不敵死

湖南志

彭元春 字伯陽松桃廳人以行伍征江南保至都司補遵義協左營把總同治十一年署桐梓汎千總後調練軍哨官帶百人駐防板橋光緒六年九月初三日教匪畢香廷謀襲桐梓以夜雨天明自退元春聞訊赴援徧搜黨與最為出力卒擒香廷斬之後升游擊云國史傳鄭昌孫 珍州人嘉熙間元兵犯蜀剽掠州境昌孫集民兵禦之授本州總制大清一統志

續遵義府志 卷十八 官績一 功勳 十八

官績二 守令 通判 教職

遵義府

平翰 字樾峯浙江山陰縣人道光戊戌來守郡振興文教以郡志無考聘舉人鄭珍莫友芝主筆纂修遵義府志創建培英書院課士又建養育堂收育嬰孩一時知名之士如蕭光遠黎兆勳李桂林朱奎章李棲鳳輩咸引為座上客自忘二千石之分嘗值旱災築壇迴龍寺祈雨日捧香徒步至山巔為民祈禱甘霖立沛己亥溫水穆繼賢作亂督兵親往數月勦滅不無勞績終被議降通判調署松桃廳邦人士

僉為之慨惜翰居官一主以靜解中琴龍書聲常徹
堂外尤工書法今猶間有存者

劉雲黼 字渠堂雲南大姚人早歲入翰林能詩善

書聲名藉甚時成親王擅書譽求者踵接延雲黼代

筆其波瀾殆與王無二也以京察出守遵義勤政愛

民喜延接文士士風為之不變初在京師與邑紳黎

恂交最篤及自遵義解組歸恂已揀發雲南適署大

姚縣知縣相見益歡聘雲黼纂修大姚縣志恂告歸

數年滇回亂破大姚雲黼全家殉焉 採訪冊

吳德溥 四川達縣人由監生以同知分發貴州咸

續遵義府志 卷十八 官續二守今附通判教職 十九

豐四年署施秉縣深得民心桐梓逆首楊龍喜造亂

變生倉猝聚雷台山直逼遵義府城諸軍雲集擊之

不下蔣蔚遠飛檄德溥馳往營中督兵助勦遂破賊

巢遵圍立解保陞知府後丁憂回籍八年奏調回黔

贊襄軍務九年署遵義府督辦七屬軍務賊壘林立

餉絕援窮激勵將士克復湄潭修文等縣保陞道員

後仕至雲南布政使 採訪冊

樊希棣 字莒樓湖北咸甯人河南知府樊瑛第三

子咸豐中以布庫大使分貴州署貴定縣屢卻鉅寇

十一年署遵義府時遵義所屬正安民變命往案其

事君單騎至正安撫定其眾而亂首不可得一日按

簿呼諸吏役名見一役長鬚而豐頤似素識者久之

乃憶初至黔時署案察司司獄其人曾來行賕彼時

即知其人非良善也鞠之得實殺而竿其首遂以無

事而粵賊石達開自蜀回犯遵義與土寇相鈞連連

營百餘里君由間道出兵乘賊不備擊走之士寇不

敢動賜書褒美命以道員記名簡放兩任遵義陞署

糧儲道光緒二年卒 俞樾撰傳

余上華 字希臣陝西興安府平利縣人同治元年

擒匪破城父輝遠巷戰陣亡上華性樸厚愛人讀書

續遵義府志 卷十八 官續二守今附通判教職 二十

務根抵咸豐丙辰成進士分兵部主事痛父之死墨

經從戎擒平賞道銜補職方司主事陞員外郎晉郎

中同治十三年轉御史時髮捻皆平朝廷銳意西征

上華以勞師襲遠軍儲難供為疏陳方畧光緒丙子

遷戶科給事中時崇厚使俄訂約乖謬復密陳重要

兩宮詔對深嘉納之在職屢劾權貴遺忌庚辰簡放

遵義守深慕陳玉璧劉詔陞二守之實心教養乃自

捐鉅金遣人赴嘉湖購桑秧運遵勸民廣植以興蠶

絲之利今湖桑種其遺植也後於文課外增詩字課

自捐重資以獎不合者親為筆削諄諄不倦士林多

所成就甲申邑南朱洪竹之亂即時撲滅大吏上功賞三品銜乙酉調大定府明年回任調貴陽府不赴丁亥調銅仁府戊子回任己丑以兩薦卓異當引見去之日士民攀送出境乃已辛卯入覲奉旨回任候陞行抵漢陽病故年六十六歲著有焚餘偶成詩一卷採訪冊

胡汝霖 湖北武昌人由軍功累薦擢知府光緒二十六年權遵義府適邑南里毛栗山喻吉丕以青蓮教煽亂誘汪平安王子開等於蓮花山約期舉事圍溪尚溪一帶人民驚恐鄉紳余銑等密報汝霖立會

續遵義府志

卷十八

官續二守令
附通判教職

二十一

縣營選派紳首劉道諧楊季和募勇與外委周元章率營兵同往勦捕季和方至尚溪賊等焚掠猪場與賊戰立斬數名賊奔潰道諧至團溪亦大斬獲元章直搗蓮花山陣斬偽先鋒甘二擒汪安平喻吉丕斬之王子開遠遁未獲搜獲偽印一顆及旗幟刀鎗各件亂遂平是役也非得汝霖從事敏速又用得其人俾星星之火不致燎原誠為地方之幸尚溪鐫石以紀功焉採訪冊

袁玉錫 字季九湖北襄陽人進士由部轉給事中光緒三十年任遵義知府時值新政繁多注意學校

玉錫稟准大吏以考棚易副將署創修中學堂及師範學堂高等小學堂蠶桑學堂工程浩大非數萬元不足以竣事玉錫竟以七千餘金竟其功蓋由善於用人人亦樂為之用又以餘力開辦官書局建築百藝廠於湘山後樓房數百間又種茶桑等樹講求實業倡辦屠捐歲收巨款地方經費得以取攜裕如至今賴之宣統三年陞雲南勸業道去任民建生祠祀

以上知府

胡期恆 字元方湖南武陵人康熙乙酉舉人四十四年大駕南巡獻詩授翰林院典籍出為遵義府通

續遵義府志

卷十八

官續二守令
附通判教職

二十二

判治郡有恩信民建生祠後仕至甘肅巡撫湖南志
以上通判周際華 字石帆貴筑縣人嘉慶六年進士授內閣中書改教授選授遵義府教授時遵義旱災米粟騰貴民情洶懼際華請開常平倉平糶郡守謂非白上官不可際華以往返日久且准否莫必民命何堪亟語縣令胡瑛曰擅動倉穀罪至黜職而已能救眾民何惜一官况事定買補於官何損胡從之徑發倉以賑民心安定歲大熟儲倉如舊後宰河南輝縣亦多實惠在民

黎同安 字耦耕安化縣人同治癸丑科選拔貢生

父元燮以孝友聞祖墓屢產紫芝同安性亦孝友弱冠食廩餼常入貴山書院肄業一試不售遂參戎幕以軍功累薦至知縣加同知銜舊例選拔朝考得自認班念親老家貧呈請併前保案歸教職選用得銅仁府教授丁繼母憂未赴任甲申選授遵義府教授到任即查出厯任侵漁文廟歲修田租十一石將文廟培修完固復捐俸課士以植人材凡有關風化者必持正獎勵勸勉一合於道而後已人皆畏而敬之遇人謙讓和平好義同官訓導楊某卒於任貧乏嗣遺幼女三無所歸同安撫育而嫁之訓導毛某卒子

幼同安視為己子教成之性嗜酒好吟胸懷瀟灑不隨流俗俯仰甲午卒於官無資歸櫬守令力為措置乃送歸採訪冊以上教職

遵義縣

高洪 字仙令江蘇無錫人康熙二十年舉人知遵義縣清介不苟取自奉儉苦幕客家人悉辭去蒞事精敏判決如流俗多告訐人命官檢驗即破案洪簡役從詣尸所檢不實立懲告者自後命案用希力行保甲法勤於勸課而紳士占役希優免皆不聽坐是得怨督臣年羹堯亦惡其耿直劾去之然重其才乃

延入幕府待以賓禮久之將復薦赴洪述歸無何堯敗秦藏撰傳補前志

顧開陸 字元臣江蘇無錫人按前志職官志作江蘇長洲人康熙四十五年進士知遵義縣遵義地介黔西而隸蜀黔民略賣幼苗多徒黨而謀報歧迂開陸設法為置巡輯其後遵義改隸黔民吏稱便皆由開陸倡議也秦藏撰傳

潘光泰 字穉青安徽桐城人道光壬午舉人以知縣檢發貴州署天柱縣却財豪萬金賄名遠噪改署貴定補授遵義庚子六月受事明年四月以病去邑

廣土眾民訟繁難理胥吏因緣為奸株累牽連是非顛倒雖明敏者恆墮術中穉青至嚴察其弊聽訟畢必手判案情附卷數月後訟漸稀然性鈍他人日可十案穉青惟二三案或竟日得一案自朝至夜常廢寢食書役每竊議之穉青微聞笑曰吾才誠不逮恃勤補之遵之多訟類皆牽連重複一案結不啻結數十案議者於是咸服性質樸而疆毅鉅豪強辨義利凜不可奪增辦郭二義學置滙川義家加意荒政於是城鄉置義倉數十所積穀至數萬石粗就緒兄訃忽至遽思解組有未經筆畫者瀕行謂所司曰倉成

功之首理不當罪之魁今利害參半甚可惜也樺青兄弟友愛甚篤知任回省乞休不得乃引疾歸士民攀送出境方已獨胥吏無一人稱道者尤可尚云

江炳琳 字介侯四川江津縣人道光丙午舉人大挑一等以知縣分廣西在籍候咨時桐梓楊鳳亂川邊騷動其父思濬奉旨舉辦團練力辭令炳琳襄事咸豐四年解蜀軍糧入黔隨軍克復涇水遂從征兼理桐梓涇水安撫事再克米糧溝雙龍場獐羊壩等處五年黔撫蔣蔚遠奏留黔用帶兵安撫黔西等處旋署仁懷令擢同知直隸州曾公四嘯聚放牛坪馬

續遵義府志

卷十八

官續二守令
附通判教職

二十五

桑坪上楊壩竹桃溝紅巖等處數日之間率勇除之惟紅巖未克十月以所部隨郡守楊書魁護協祥福直搗紅巖立拔之俘徐子容侯老千歲等餘賊匿山洞皆次第殲除六年九月匪首鄒辰保等踞綏陽趙三甲擾及仁遵外聯螺螄賊於平頂山四十餘營十月會祥福分別勦撫立平之進據中岡又拔呂家墳分水嶺鹿巷杉木箐後台各處賊巢俘戮賊魁綏境肅清除桐梓令七年六月兼署遵義令初遵邑西鄙王安國者家素封為人質實鄉人信服楊鳳之亂奉檄聯團聲勢浩大賊不敢犯附者日衆有司疑之遽

以謀逆上告大府檄炳琳兼遵令為固安國也乃乘不備馳至安國家安國方推牛潔樽衣冠候門突執而殺之滅其家旋丁父憂奪情值匪圍甯城告急奉檄馳救立解甯圍八月攻大小冷水中石落馬九月孤軍力攻右臂復中石傷度糧餉不瀝乃減兵選精銳千五百人扼賊來路而綏陽宿賊楊應祿等糾螺螄餘匪踞趙里作亂思南逸匪復攻石阡援龍涓回遵防堵並援龍涓八年正月兼署綏陽令白大滿等據穿煮洞等處余麻鄉約等據螺螄紅溪河一帶出營旺草二月初三日會祥福進勦祥福陣亡賊遁羊

續遵義府志

卷十八

官續二守令
附通判教職

二十六

巖飛梯洞攻克之餘匪竄入麻七洞等處會桐軍攻之八仙人洞因于巖穿煮洞馬伏坪陽跳洞各巢麻七洞天險不可思議力攻弗克乃集石工千人自洞後山窪鑿地道直達洞後燃地雷轟之克麻七洞及諸洞綏陽再肅清權知府用移軍攻桐梓螺螄之石筍刺猪洞猴子洞喇叭洞紅溪河鼻引山等處俘周蹇六督辦桐綏軍務知綏陽令十一日克喇叭崖門等四十八洞斬葉五俘趙飛天等馳出馬嘴石腰中炮裏傷督戰賊敗回遵調養九年四月援龍泉兼署桐梓令進攻鼻孔山久不下以降卒及間衆賊縛程

咩六父子降又遣降賊入中山寨乘間縱火俘梁倡
汶等兩巢既克隨派兩軍連營張家灣龍子岡自營
鎔鐵營晝夜環攻令擒賊王正啟入為內應誘賊白
大滿梁大童穆玉明等出降穆大受在內縱火大軍
掩入立克鼻孔山毀同心三洞及各巢穴獲匪首余
麻鄉約張大鉢鉢等百數十人桐梓肅清適偏刀水
蔣玉龍提督失利奉檄會辦派兵協團禦賊已備各
隘湄甕賊忽由鯉魚塘渡河竄和尚場十月初七日
急趨至張王壩調團逾時賊亦至遂飛奔返城賊趨
團溪自至城不入官署募丁假練勇共九百人十三

續遵義府志

卷十八

官續二守令
附通判教職

二十七

日薄暮至兩路口山逼賊為營團民間官軍至皆慶
得生紛餉食助役賊假團名繞至山殺炳琳並左右
大聲忽從中起兵民四散竟取其頭去團民德官深
百計給其頭並殮返喪大吏上聞追贈道銜襲騎都
尉世職於遵義及原籍建祠炳琳自入黔戰必勝攻
必克五載枕戈戰功之偉實莫與京至今悲之陣亡
時年甫四十餘歲 採訪冊

于鍾岳 字伯英漢軍鑲紅旗人父崇璟任晉安知
縣咸豐四年冷令恆破縣城閻家殉難惟鍾岳與弟
鍾毓逃出鍾岳奔省請兵復城隨軍督團進勦克普

安時年甫十八歲黔亂方熾當道稱其才應擢至知
縣留黔八年署正安州事是年七月解泰安慶圍於
野貓阡十月會江炳琳破刺猪麻亡洞等賊襲唐貓
水崖門鍾岳赴援擊走之九年八月攻石筍等處賊
擒斬賊目曾喜十年二月援官兵於餘慶永興等處
八月遵守實奉家調回勦綏陽教匪十一年七月檄
署遵義桐梓綏陽三縣事督辦遵綏湄甕軍務時已
擢至道員矣十一月遣張師敬等防勦白號賊於蝦
子場散水等處自率勇攻賊麻家壩敗之賊旋集眾
圍營危甚乃募死士夜火賊營乘勢會胡先海合擊

續遵義府志

卷十八

官續二守令
附通判教職

二十八

斃賊數百十二月又率張師敬等敗賊橋頭寺楊家
邨偽朱王時踞禹門寺同治元年正月以張師敬吳
元彪為左右翼自將中軍攻賊禹門寺一戰而拔遣
張師敬等擊走皂角堰賊時賊聚萬人圍攻十餘日
甚急調胡先科等援敗走之於是綠塘河李家壩等
處賊皆擊散遣吳元彪擊走唐寶石岳家壩諸賊忽
髮匪竄擾正桐兩屬疾馳回防堵五月會沈宏富敗
賊大錫廠馬家河殲數百人七月會宏富擊走西坪
悍賊復破後壩場張王壩賊壘遵綏諸賊悉走高台
窰上旋回竄新舟鍾岳馳擊大敗之八月會宏富遣

軍出九皇洞渡上關進勦寨上自邑南至玉華山數
百里暫清閏月髮匪石達開竄入遵義二十萬圍郡
城糧缺人心惶恐飛檄黎紳兆祺調團運糧糧至軍
心大定攻數日鍾岳督軍力禦賊解圍去趨綏陽圍
綏令李愈南於貓貓山鍾岳遣軍援始解是年十一
月黔撫張亮基過遵聽護遂解任去二年三月賊毀
正安釐局集州城下復檄鍾岳馳辦旋晉省未幾貴
定告急鍾岳往援賊眾兵單於虎頭山地方陣亡賊
刳其首刳其腹死亦慘矣鍾岳善詩與鄭珍黎兆勳
時唱和著有嘻笑山房詩若干卷殉時三十餘歲

續遵義府志

卷十八

官續二守令
附通判教職

二十九

冊訪

趙文源 字體泉甘肅人光緒庚辰進士持躬儉約
耐勞自京赴黔一肩行李徒步數千里不知苦於光
緒十年蒞遵作宰布衣蔬食如初愛民重士凡月課
與諸生講解不啻師弟忘其為令也遵邑大溪里一
帶歲凶民饑文源以所入之貲傾囊得數千金持往
賑之按戶親給時有大吏過境應供張文源置不顧
俟賑畢乃旋署時遵義為貴州上缺每瓜代囊橐皆
盈不以為貪文源散賑餘視囊存三千金曰寒士至
此亦足矣遂告歸至聽訟和藹如慈父母雖狡詐者

亦不忍欺之咸吐實情故斷獄無縱無枉去後口碑
數十年相傳不泯云

冊訪冊

任騰 字秋田浙江紹興人光緒庚辰進士由戶部
主事截取知縣至黔光緒十七年權縣事慈和儒雅
聽訟明察暇則聚邑中人士論文會課不晏起不早
寢案無留牘署無廢事嘗捐貲出名士某之孫於縲
絏又籌款增加各書院膏火民間健訟者知不可欺
邑中詞訟漸少去後士民思之為鐫碑立石以誌不
忘

冊訪冊

續遵義府志

卷十八

官續二守令
附通判教職

三十

趙文偉 字才石廣西人進士光緒癸巳知遵義縣
雄於文嘗於月課外選廩增附生三四十人進署會
課親為指點如塾師之教子弟嗣後春秋兩闈獲售
者大增於前以光緒辛丑科為最盛

冊訪冊

戴永清 字鏡湖雲南進士宣統末年為邑令慈和
謙讓有恤民之心維時劫匪甚熾鄉紳里長擒盜致
官者絡繹不絕永清鮮用刑求虛心研鞠不為鈞距
而自吐實情讞定誅其渠釋其可恕者羣盜亦漸斂
迹接物常溫容令人愛而敬之閭邑士民去後思之
至今歲作會紀念可謂惠人也

冊訪冊

正安州